


「八一三」四周年蔣委員長告全國民眾書

君 珠

蔣委員長於「八一三」四週年紀念日發表告全國國民書原文如下

「中正於去年今日，曾告吾同胞，以「八一三」淞滬血戰意義之重大，嘗謂「八一三」戰役在我國為自衛獨立之發軔，在敵軍為侵略失敗之定局，可謂敵我大勢與東亞前途實均決定於淞滬展開戰鬪之日。此語吾同胞當能憶之。今又屆「八一三」戰役之四週年紀念矣。中正願吾同胞追溯當日光榮奮鬥之史蹟，盱衡太平洋今後局勢之演變，更應懷然於自身負荷之艱鉅，特以簡切之數語，為吾全國同胞明告之。夫敵國軍閥侵略之野心，原以征服世界為目標，征服東亞與獨霸太平洋，則為其實現此一野心之過程。故「九一八」之突襲瀋陽，為其侵略中國之嚆矢，而「八一三」之猛犯淞滬，實為其侵略整個亞洲與太平洋之發端。吾中國當時為捍衛神聖之國土而戰，同時實亦洵燭其奸謀，為維持整個太平洋永久之和平而戰。四年以來，不斷昭告世界，必須合力裁制此橫暴之狂寇，而後世界乃有真正之安寧。惟吾以積弱之國，不欲蒙危言聳聽之嫌，乃一本其義之所當為，從事於獨力艱苦之奮鬥。血戰至今，四年有餘，始獲得各友邦共同制裁之開端，且成認吾國之所言為燭照機先之確論，而敵寇至此，遂乃急不暇擇，不惜盡露其猙獰恣肆兩侵略之野心。自法越風服以後，敵寇之悍然不顧虛心積慮以圖者，乃欲擴充其「東亞共榮圈」於泰緬荷印，以及於整個大洋洲，此幾已盡人而皆知。迨蘇聯戰爭爆發，世界局勢一變，敵閥又以為北進之時機到來，乃復調遣大軍，控制於我東北各地，以為進攻西伯利亞之準備，藉圖實現其大陸侵略之野心。最近一月以來，始而強迫越南，脅成「聯防」，協定遣其海陸空軍如計進駐，將整個安南，加以佔領，曾不旋踵，又轉其兇鋒，以向泰國，百端威逼，冀圖攫取其資源，獨佔其貿易，而更要求使用其軍事根據地，企圖進犯整個太平洋，排擊英美之勢力，以達其「大東亞新秩序」之目的。然而時至今日，英美荷印諸友邦，對敵寇吞越圖泰，既已憤其狂謀，共作堅強有力之準備。先以經濟壓力繼之以軍事聯防，蘇聯目前迫於西線之戰爭，然始終未弛其遠東之防禦，是敵欲南進，已阻於南洋各邦

之聯防，而其海軍實不足以敵英。美敵欲北進，亦因其陸軍陷於中國之泥淖，其殘存之力量更不敢冒險北進。是其投機侵略之時機，實已過去，彼其所謂大陸政策與大洋政策，至此已全成泡影。而我中國之自衛抗戰，至於今日，乃亦進入於實行吾人保衛太平洋神聖責任之時代矣。於此願為我同胞告者，自敵寇最近最近太平洋洋逞兇錄以後，英美荷印亦停止與日人所訂之金融協定，與供油協定，如此重重之經濟壓力，敵人雖強詞辯飾，已不能自掩其竭蹶不支之窘態。今後彼之所賴以彌縫一時者，必為利用傀儡滿漢奸，對我淪陷區內盡量加緊其經濟與貿易之壓逼，如掠奪物資，強銷敵貨，控制經濟，必將採取一切狡毒暴戾之手段。而加我民衆以榨取。中正對我淪陷區同胞，尤其上海同胞所受境遇之艱危，誠不勝其懷念。然為配合各友邦制裁敵寇之行動，促起敵人之及早崩潰，則我淪陷區同胞更須知此日反抗敵寇經濟戰之殊死奮鬥，其價值將十倍於征服務。當忍痛茹苦，不畏犧牲，反抗其掠奪，阻止其運輸，拒絕其販賣，奮誓死不屈之精神，使敵寇無法榨取，莫得補償其經濟危機於萬一。此種戰鬪之力績，決不亞於前線之浴血殺敵。此為我淪陷區內一切民衆與上海工商業同胞所宜努力奮鬥，善盡其國民之責者也。至就世界全局而言，侵略勢力與反侵略力量之分野，日益分明。太平洋上之形勢，日益緊張。此即為日寇愈益接近其崩潰末日之徵兆。然而勝利之來，斷不可以坐致。最後決戰，必須揮以全力。我中國為直接首受日寇侵略之當事國家，恥辱未雪，責任特重。此日之愚勉，自效實為舉世愛好和平人類所一致矚望。我全國同胞，應知中正本年元旦所謂「最艱苦最重大之時期」，今日業已真正開始。吾人不論在戰場在前線，在後方，在都市農村，均宜把握時機，加倍努力。尤其在淪陷區之同胞，應不顧敵寇之如何威逼利誘，漢奸之如何造謠中傷，務必一本初衷，以同仇敵愾，誓死不屈之精神赴之。深信吾人貫徹抗戰建國神聖使命之時期，必不在遠，而吾人所以瀟雪國恥與安慰已死之英烈者，亦可計日而待矣。語有之：「雖有鐵基，不如乘勢。」時機已熟，勝利在望，惟吾全國同胞共勉之。」



海盜旗幟的末日。

The Chinese Daily